

存

悔

齋

集

存悔齋集卷七

臣劉鳳詒

經進文

奉

一 敕修輯記注酌擬書載總例

起居注一書藏之金匱歷係講官恭輯掌院恭定雖體大事繁莫不慎司珥筆但書哀於衆手則彼此易岐事匯以數十年則後先互異是以冗者畧者不合格式者有之比奉

敕准加修輯覈言動之實俾衷紀載體要允宜共抒敬事微忱以稽檔籍補闕遺爲先務揆政體酌繁簡綴輯彙本因之一事

例謹書法正舛誤釐爲定本務合準程毋仍率畧冗散之弊謹約舉大要餘以類推

一凡事繫

恩澤及典禮制度除授差遣有關考核又如臣工奏議欽奉

指訓者舊載遺漏甚多應取各檔籍詳查另錄爲帙備纂仍每

事注明某檔如絲綸簿內記注諭檔八旗部院檔之類上以備覆查每年總注查

出應增若干條或無應增者注明是年查無遺漏字樣以便纂

輯時依次核對俟纂成副本仍歸各總閣查銷

一凡恭閱

上諭檔事無鉅細悉書內有奉

諭以此案二字起者舊載未敘事由卽屬遺漏應詳查原題原

奏摘敘數語使緣起易明其閱至年頭年尾現係分手輪辦遇有終卷未及查徧之處應卽於記檔內標明以便接閱次年者續查補纂

一凡恭閱

絲綸簿如奉

旨依議知道了該部知道各本應酌其事有關繫者摘錄備增其尋常

批發及該部議奏事件不書又舊載有兼錄

廷寄者以事關重大非兼載無以貫串本原仍採錄一二從間見之例否則毋庸摭入致失冗繁

一凡內外臣工條陳奏疏奉

旨准行者或云似有所見者舊載未備均應酌其事之大小備增奉

旨申飭者亦書或尋常錯誤駁飭發還者不書又部臣及軍機大臣九卿等議以應如所奏者書應毋庸議者不書或部議雖未准而中有更正之處或奉

旨有部駁甚是云者書尋常依議不書

一凡文武員缺由督撫奏請陞署調補經部議與例不符或聲明既據該督撫專摺可否准其如何之處奉

旨著照所請行者書尋常依議不書又引

見官內而文七品武五品以上外而知縣守備以上例得備書餘不書又押運官回原任者不書惟大臣子孫引

見授官及直省請揀人員引

見發往者雖巡典千把等官亦書

一凡職官考績自陳薦代之例久奉停免其從前大臣中係奉恩旨褒勉慰留者書尋常著照舊供職不書又文武官員凡遵旨議敘者書彙題議敘不書遵

旨議處奉

特旨改簽寬免或留任仍送部引

見者書彙題議處不書惟內有大員出名酌書

一凡承襲須查原係某人名下世爵世職詳書如係降等者書明照例降等改某官又八旗人員凡補授

陵廟執事例載各旗之前不按旗分次序又驍騎校護軍校及印房米

局等官向不入書遇有間見者應刪去又帶引佐領如係世管亦應將某人之世管佐領詳書仍兼列正陪以奉

旨間有用擬陪人員者惟帶領防禦係指缺補官應專書保送字樣勿仍淆紊

一凡恭載

使命如宣封正副使遣赴軍營及治河查賑識獄大臣官員又文武闈監臨知舉主試同考讀卷監射監試各執事及直省巡鹽巡漕關權織造等差奉

旨著某某去或有圈有點者去俱應查姓名詳書煮賑平糶演炮驗馬等差

不悉又兼銜如大學士奉

旨加何殿閣行走序次併書督撫照例兼尚書侍郎銜不書又如日講掌院領

閣提舉直閣等職備書

校理檢閱等不書

又

旨命充某館總裁副總裁俱書

纂勘官奉充者仍酌書餘

特旨不書

又廳局倉

廠五城街道等差按更替年分書又自乾隆四十二年以前凡

遣官某人請

皇太后安備書姓名其遣太監某人之處

舊載遣首領某某或四執事太監某某

應俱改爲遣內監原書姓名刪去

一凡蠲緩賑借多係

加恩撫卹歉區其原奏府州縣衛地名應詳書以見

聖慈遠廛不使一夫失所至意

舊載某府州縣衛幾十幾處者查增之

又開墾以

成熟年分爲準應書明准於某年陞科又請免坍沒地租亦應書明准自某年爲始又應追產絕無力完繳銀項應擇重大者

書毋庸冗載

一凡八旗冊報及直省題

旌貞節雖屬例事實爲風化所關且婦女幽微不過僅存姓氏

應照部本逐一詳書

舊載有撮舉某氏等幾口云者俱應查明補載

又刑部題案內某

氏羞忿身死請

旌者

絲綸簿內多未注明

應照檔查補又直省奏烈婦烈女事在飭禁後

者應詳繹現奉

諭旨酌載又八旗奏故員妻孀婦某氏請給半俸養贍之處應

一體載入

一凡議卹已故官員除葬祭贈廕入祠立傳等事備書外其准與諡者查

欽定著謚某某字樣書不准者亦照

諭旨書不必與謚以昭論定人臣之準又如武職年老休致本官曾經打仗殺賊奉

旨給俸者雖官小亦書

一凡駁案改例及每年勾到進本

旨命某犯停決某犯子勾一一皆厘

聖慈矜恤研勘精詳應照部檔逐名詳載又秋審留養進呈犯冊及援減收贖夾簽聲明等事俱出自格外

恩全例得備書勿從簡畧

凡奏刑名俱書刑部等衙門惟本部題陞官員不書

一凡工作如

壇

廟

陵寢

宮殿鹵簿

孔廟辟雍及河海江防城垣京倉戰船之類又如

特恩賞建官署營房以及盧溝橋京城三門石道之類俱關動帑興修大舉例得備書一切尋常營造及各省估修官署兵房倉庫監獄等事循例奏報者均不書

一凡占候如日食月食星見某次之類自應按候詳書舊載欽天監臣每屆某節將是日風從某方來按占書主五穀成熟等語照例疏報雖關職掌未免紛繁揆諸

聖朝不侈祥瑞本意竟可畧而不書又如奉

旨嘉獎訓飭又移駐汛地添設弁兵奉

旨准行者書其餘循例事俱不書

一凡鹽政奏增減場竈改課歸丁借支帑本等事奉

旨准行者書尋常引目暢銷攤扣餉項不書又督撫奏辦錢法如開爐減卯改煎改鑄事關調劑者書尋常採買及銅鉛過境撈險緝私等事不書又監督報銷稅額遇有虧短奉

旨寬免著賠者悉書業據自行賠繳足額者不書

一凡外國遣進方物奉

旨留抵正貢及

加恩賞收又各國王表奏奉有

褒諭或具見悃忱字樣者書餘如照例進獻尋常慶賀陳謝表

章查係無關緊要者不書又督撫奏撫卹難夷附載回國及關
督奏夷船免稅事件均不書

一凡行軍要務自

禡師祭纛以至

郊勞受俘

告成飲至禮儀逐一詳載其軍功

特賞亦應備書又各將軍經畧統兵大臣咨報軍營員弁立功
或陣亡傷亡者俱詳書姓名雖小毋漏其僅報受傷者不書兵
丁姓名亦不書

一凡載奉

旨日期

俱以絲綸
簿爲準

有奉

旨特放某官在前

查絲綸簿所載係部本在後者

仍以奉

旨之日爲準又帶引官俱以引

見之日爲準

新進士有分日引見者併載於奉旨之日

又每年四孟月書春夏秋

冬季序每月初一十五日書千支餘不書又凡

臨御諸典禮按時刻書勿稍舛錯

一凡蒙古回部地名及八旗姓氏對音各有定準舊載率

多錯誤如輝特訛爲

斐忒

敖漢訛爲

鄂汗

喀喇沙爾訛爲

喀拉依

章嘉

訛爲

張家

鈕祜祿訛爲

妣胡魯

色布騰訛爲

塞卜登

之類不可枚舉俱

應詳加譯對其土司番目夷使喇嘛等名亦應查對明確以臻

完善

登覆

垂詢

高宗聖訓聖孝門各條請代表奏啟

謹按宮廷孝治

帝

后同符我

朝

列后尊諡例以孝字冠稱恭查

考貞皇后諡法奉

高宗純皇帝欽定諭內申述

聖慈深憶孝詩句櫟括懿行於一言因思

后之孝在宮闈本不易知賴有

綸綽昭垂俾得臣民共喻是以將定諡

諭旨恭載又查舉行

孝賢皇后大事之

諭內有誠敬

皇考孝事

聖母及重厘

聖母之念隨朕事

聖母膝下等語是以恭載於定諡

諭旨之前以闡明

帝

后孝德同符爲天下教孝原其本始又查每遇恭上

徽號詔示天下之文舊例俱應恭載至

列后冊文

五朝聖訓內俱未入書是以冊立

孝賢皇后併皇后那拉氏冊文均未敢輒入

聖孝門恐致不符體例至

孝賢皇后冊立諭旨係雍正十三年十一月事現已恭載

聖孝第一本嗣因冊立加上

皇太后徽號諭旨及頒發詔書係乾隆二年十一月事現已恭
載

聖孝第二本十四年四月因金川平定及冊命皇貴妃攝六宮
事加上

皇太后徽號諭旨詔書及乾隆十五年七月

諭立皇后那拉氏八月加上

皇太后徽號諭旨詔書查係崇上

徽稱攸關

聖孝是以照例恭載第三本又查

高宗純皇帝於皇后那拉氏節終典禮

諭照皇貴妃例行其事關係甚鉅現已恭載前卷

聖德門伏思既載入

聖德則前此立中宮之

諭屢述

皇考所賜妃及

皇太后懿旨所立等語且係加上

皇太后徽號緣起是以於

聖孝門恭載

諭旨一道以晰原委又查乾隆十三年七月尚有

諭旨一道內述

皇太后懿旨有效法

聖祖成規卽以嫺貴妃繼體坤寧之語又引順治十三年

世祖章皇帝冊立皇貴妃禮儀今應倣效前規等語文義各有
專屬現擬分載後卷

法祖門再查

孝恭仁皇后於雍正二年卽值大事是以

孝敬憲皇后孝德未入

世宗聖訓又查

聖祖聖訓聖孝門恭載大婚禮成加上

徽號詔旨至

列后封諡事宜均未登載此次恭進

高宗聖訓聖孝門仰蒙

皇上垂詢各條謹將纂辦時詳查舊例并商酌入書緣由據實
登覆其中見解未到之處惟乞

睿裁指示俾有遵循其應否改纂請代奏懇

恩訓定以便敬謹遵辦

國朝官史續編凡例

一宮史全編所以著明

家法勤攬朝綱及整肅宮闈裁抑宦寺諸大政自乾隆七年大學士鄂爾泰張廷玉徐本率南書房翰林等奉

敕纂辦洎乾隆二十四年大學士蔣溥等增修二十六年重加校錄成書其時經于敏中裘曰修王際華等擬表恭進書內分列六門曰

訓諭曰典禮曰宮殿曰官制曰經費曰書籍凡三十六卷茲嘉慶六年

皇上命館臣裒輯乾隆壬午後四十餘年以來大備之典章依仿成例舊纂續編於嘉慶十一年告成增爲一百卷伏查古籍自周禮內政見於天官而外未有以紫霄丹地之掌故別爲一

編者我

朝端本善則懋修化原操柄維嚴事事超越往古是書前後兩編兼該備晰則倣具存視明呂慈以中涓握管竊紀宮庭直無與於識大識小之經者矣

一

訓諭門首陳

詰誠綜舉治要以昭貽翼之謀如

祖制不輕議建儲不擅改冠服申外廷交接之禁嚴中官預政之防其最著者矣前編四卷恭載順治康熙雍正年間至乾隆二十六年所奉

諭旨今續編自乾隆二十七年起到嘉慶初年所奉

太上皇帝敕旨又嘉慶四年至十一年所奉

皇上諭旨凡關係宮中法制禁令悉仿前例入書增爲六卷

典禮門章明軌物宜鬯鴻庥當亘古時會之隆極萬國尊親之戴所謂義緣事舉足以薙諸弈禩者也前編六卷分子目四曰禮儀曰宮規曰冠服曰儀衛今續編按事增載分禮儀類子目爲五曰盛典曰冊寶曰祭祀曰勤政曰宴賚其大典如乾隆辛

卯

皇太后八旬慶祝庚戌

聖壽八旬慶祝乙卯

冊立皇太子嘉慶丙辰

太上皇帝傳寶授政

皇帝建元登極其盛事如甲辰慶得皇元孫癸卯

乾清宮普宴宗室乾隆乙巳嘉慶丙辰兩開千叟宴壬寅四庫
書成

文淵閣曲宴丙申金川功成

紫光閣飢宴嘉慶甲子

惇敘殿家宴此皆曠古鴻儀在二十七年以後疊舉而創行者
又前編官規一卷今續編分子目爲三日宮中定制日宮中事
例日宮中門禁一切飭修內治允宜增載新規其冠服儀衛按
欽定宮中現行則例約記大要計典禮一門增爲四十四卷

有惟齋集卷七
宮殿門以表辰極居中法宮由舊古之棟牖松雲堂構丹牖其
陳義率視此也前編六卷分子目三曰外朝曰內廷曰西苑今
續編悉仿前例惟

寧壽宮爲

太上皇帝東朝崇構

毓慶宮爲

皇上儲位鼎新

文淵閣爲天上圖書祕府皆前編所未及至西苑地仍舊制今
特書

勤政殿起以誌

駕臨苑籞實關

敕幾崇政之成規與在宮中無異非偶涉燕閒稍事游觀可比
增爲十八卷

一經費門簡稽內費無侈靡之用無宣索之煩所以崇儉德而
立經常也前編三卷首列鋪宮事例及進奉品儀今續編恭紀
先朝恩賜法物尊藏

重華官者並紀

太上皇帝特恩賜賚又增載官中節省事例支發事例而廣儲
司歲出內帑以爲犒軍給役諸費數不勝舉仍按前編爲三卷
一官制門職詳摺御嚴限制而杜僭踰不冗設一人不假藉一
事是以參養易而防察彌周誠萬古不易之良法前編三卷具
詳內官品秩員額職掌賞罰事宜今續編恭照

欽定宮中現行則例分子目爲三曰恩卹曰恩賞曰處分總爲一卷而節年奉

旨裁汰及歸併內監人數釐爲額數職掌二卷仍按前編爲三卷

一書籍門表章前古昭示方來稽柱下之藏探瑯嬛之秘實資於是前編十五卷詳列

內府羣書分子目十五今續編仿前例增子目爲十六其中如聖製文三集詩五集及餘集之富又恭修

高宗實錄

聖訓稟輯至一千八百卷之多又宋遼金元明版舊書善本匯於天祿琳瑯別貯於五經萃室俱經

聖製題詠爲亘古所無又如

摘藻堂督要之編

文淵閣四庫之輯

武英殿刻聚珍之萬卷

方畧館撰

武功之十全以及

釐定石經考評鑑史訂正國語鐫樨法帖一一蒐羅美備鑒別
精詳爲乾隆壬午以後節年創舉之事又如

南薰殿藏

列朝帝后聖賢名臣圖像茶庫藏列代功臣像輿圖房藏

開國戰圖及平定諸疆域戰圖天文星野及

皇輿地理山川名勝萬方職貢諸圖凡鐫本絹本紙本均應詳
書備考別分子目爲三曰圖像曰圖刻曰圖繪附書籍之末增
爲二十六卷

一是書各門每事臚陳

實政或首登

諭旨或兼載

詩文皆以備徵實之義其間對越

天

祖凡關典禮鉅製按年遞增餘如撫時寓景之篇詳在

兩朝御集者不悉錄又如書籍門

聖製題語識語當日

丹臺親御冠在簡端並有

文集所未載者又如經費門

先朝恩賜法物尊藏識語隨器勒銘皆紀載所不經見茲以獲效編摩仰闕

心傳同揆青緇百帙歸美無窮從此歲月方長濡毫再續尤覲遭逢之萬幸焉

國朝官史續編書籍門案語

書籍一

鑒藏

昭仁殿

天祿琳瑯續編

臣等謹案嘉慶二年丁巳十月

敕尙書

臣

彭元瑞等仿前編體例重輯天祿琳琅續編維時偏

理珠囊詳驗楮墨旁稽互證各有源流而其規模析而彌精恢而愈富凡前人評跋名家印記俱確有可徵絕無翻雕駁文爲坊肆書賈及好事家僞託者蓋以前編之目仰稟

高宗純皇帝辨訂精醇儒臣得所依據而自

欽定四庫全書以來淵海儲藏尤足以廣聞見參詳之助是以前編書目十卷後編則二十卷前編書四百二十二部後編則六百六十三部萬有二千二百五十八冊視四庫全書逾三之一前編宋元明版外僅金刻一種後編則宋遼金元明五朝梓本俱全合前後二編觀之不啻與綠字丹文輝映萬古

臣等謹

依例恭錄

聖製題篇並分臚卷帙以備

幾餘澄鑑以昭我

皇上崇文念典之同揆云爾

書籍二

聖製

臣等謹案

列聖御集備載

宮史前編欽惟

高宗純皇帝勤

九旬之耄學集羣聖之大成六十二年炳耀

天章綜賅成數具詳於

皇上恭誌跋文伏攷前編已登

聖製文初集詩二集之目而臣工籲鐫

文初集實以乾隆二十八年癸未告成茲續輯

宮史起於二十七年壬午仍敬列

文初集爲冠首用誌歲增月益簡帙大全次臚

詩集以符體例而徵美富焉

書籍三

御製

臣等欽惟我

朝作述立隆自

世宗憲皇帝有

雍邸集之鉅製

高宗純皇帝有

樂善堂全集之成編允乎聲振開先懋昭

帝廷家學於億萬禩我

皇上紹衣立言契

詩教治原爲一貫自乾隆壬辰至乙卯蒼爲

味餘書室全集自嘉慶丙辰至癸亥繼爲

御製詩初集亦旣鏤函宣布而

聖文富有益將快海內之先睹焉臣等恭紀

御製藉以誌誠服欣望於無窮並恭錄

序文題什暨所奉

諭旨以發明緣起如右

書籍四

御題一

臣等謹案四庫書成備邀

睿鑒復荷

親賜題詠詳審其是非得失爲之

論定表章不特從古帝學無此閎深無此精覈卽自來嗜古文
獻家亦斷無能如此條貫賅通折衷悉當者仰惟

高宗純皇帝幾暇摘毫或弁諸簡首或揭在柁楣無非

右文覺世之殷懷所寄臣等續編

宮史書籍門謹從

御製詩集暨

文淵閣恭懋

宸翰中哀錄

御題諸書之作綜計書凡六十種仍依經史子集爲後先以見
讀書祕鑰幸賴

聖言標舉獲覩指歸而政治圭臬經世範圍胥可由此領要而
旁通焉若夫異代著錄儒臣於千百載後榮被
寵光蒐羅評隲則又亘古未逢之曠典矣

書籍七

欽定

摘藻堂

四庫全書薈要

臣等謹案薈要萃全書之精自乾隆癸巳

特詔編錄閱七載告成

命於乾清宮北摘藻堂排貯鈐摘藻堂印識之以別於

御園味腴書室所藏者也經部列架六史部列架十陳於左子部列架六集部列架十陳於右函以木櫝其二三種同函者中用格別之凡萬一千二百六十六冊四百六十四部每書前皆有提要括書中大指而考證附冊尾焉首列總目一函次經部百七十三種釐三百八十四函史部七十種六百四十函子部八十二種三百八十四函集部百三十九種五百九十二函總

二千函錦暉環羅左宜右有信足苞藝林之奧要光
祕府之珍儲也謹錄

聖諭詩篇於簡端而分系各書名目於後

存悔齋集卷七

存悔齋集卷八

臣劉鳳誥

經進文

湖北鄉試錄序

嘉慶五年六月禮臣以湖北鄉試考官請得

旨命

臣鳳誥

臣黃焜望偕往竊念

臣

學無底蘊識且芻蒙由乾

隆五十四年一甲進士選入翰林越二年仰荷

高宗純皇帝特達之知大考優等超遷侍讀學士歲壬子旋任

廣西學政詞臣未預文衡遽膺視學者

臣

之遭遇尤溢常格

恩深報歎銜感奚窮上年

臣

補原官今夏應考試差蒙

皇上宣諭拔在前列遂有楚闈之

命是月十六日臣具摺陳謝

賜對於乾清宮聽聆

訓示周詳敬識弗敢斲爰星馳就道八月朔抵武昌按期入闈

維時代辦監臨則臣孫玉庭率提調監試等官肅稟規條內外

嚴整進學臣所錄士扃院三試之臣與臣焜望率同考官等殫

心校閱矢公矢慎并恪遵

新令將全場五千餘卷研覈無遺掄其文中程式者四十八卷

溢額入副榜者九卷循例揭曉事竣謹以首選之文錄呈

御覽臣稽首颺言于簡端臣竊惟經義取士既以覘學力之淺

深更以驗器識之淳薄時藝雖風尚屢易而從違去取之介羣

士所奉爲槩規與夫主司所秉爲繩尺者別擇宜兢兢焉楚北

分闈以來迨今三十四科英才輩出江漢之會蔚爲秀文宜不
乏績學通材克副

國家登俊興賢之盛

臣

等就諸生試作詳加甄品類取遵守傳

註融液經史能發其胸中所欲言而其人之立志植身卽于此
稍窺大畧又其詩無纖佻經旨無舛誤策對並能贍洽者先後
錄之而剽剝新奇膚衍促隘者無與焉唐臣韓愈云文無難易
惟其是李翱云創意造言各不相師而其歸則一所謂一者是
者理之所在言以足之所謂修辭立其誠也實士習人心之關
繫也

臣

初承

簡命時惟冰淵自凜以期無負

任使旣撤棘以語多士勸其黽勉實學砥節彌行亦猶舉前言

告之庶幾仰體

聖明垂訓之諄諄而無敢稍軼模範也夫

山東鄉試錄序

臣
仰荷

皇上知過渥恩上年爲湖北考官本年辛酉復

簡充山東考官臣敬識

陛辭日跪聆

天語以得人爲盛感惕矜慎夙夜弗遑旣揭榜率新舉之士謝
恩公宴轉相告勵曰士人服習儒修鮮不譚孔孟而肅乎改容
過鄒魯而藹然興慕况生其間之濟濟者乎嘗見明王守仁序
山東鄉試錄文其自述以爲夫子之鄉平日所願一至焉者而

乃得以盡所謂賢士之文而考較之深慶爲平生遭際之大幸
至助諸士謂當始終無愧是舉且勛以無愧夫子之鄉人其期
待願望爲何如之勤以厚耶後之奉輶傳至者疇克希先哲之
遺風然與學者啟發觀感之誠宜無不視此抑又聞之禮三年
大比鄭注興賢卽今舉孝廉興能卽今舉茂才是則目鄉試所
取士爲舉人也者歲科試所取士爲秀才也者其令格名稱固
殊亦猶行古之制今東省之彥上禮部升太學凡八十二人落
解者六千而贏臣於闈中重承

寵命俾典學此邦迺更進未舉之士執卷考業而徧爲董勸曰
文章之得失不繫乎一日之去取也培根加膏之說其必有進
焉學政奉經訓爲教執德行道藝以相考求不啻以文從事而

就文論文則今哀然中選者之不涉畸說不背理解於有司繩墨庶幾近之特其異日設施果自信否與乎舉者之盡信其所信否皆未可知則仍以文定所趨嚮而不容或弛者耳夫此區區品牖文字一役猶懼無以稱

垂訓得人之旨而况繼之以學校專司敢不與多士竭文行交勉之實而使一方英儁鼓舞奮興以丕應風化之盛歟爰循例錄中式文恭呈

睿鑒併獻序言

江南鄉試錄序

嘉慶十二年六月二十有四日禮臣疏請江南考官得

旨以臣劉鳳誥借臣趙慎畛往翼日

召見臣鳳誥於勤政殿

申訓衡才之道謂江南合江蘇安徽兩省人文爲一榜就試萬餘人所得者百餘人所不得者尙逾萬惟不屈人乃能得人然則此逾萬者何以能使之不屈惟當逐卷詳覽品其所以不合程式之故斯取者當其可棄者服其心如足得人之效可期也大哉

聖教臣服膺欽感豁然聞所未聞幸矣至矣退而告諸臣慎眡

其銘識之迺出國門如期抵江寧入闈時監臨護安徽巡撫布政使臣鄂雲布率提調監試等官各謹所事乃進學臣莫晉戴

聯奎所錄士三試之進卷萬二千五百而羸率同考官等虛已協恭殫二十餘晝夜目力恪奉

恩言卷加點勘反覆較量取中如額循例錄文恭呈

御覽謹拜首稽手颺言簡端臣惟人才出於經術作文莫要於

宗經傳經大儒自江南始源於沛陽盛於江淮廣通於宣歙迨
子朱子而孔孟之學愈以闡發精微昌明億禩此義理之文科
目選士之所抵棋也而又探本五經以專試之推行五策以覆
驗之經史紛綸聲律並暢而文之能事乃以粲然士之善治經
而工論說證古先親風雅者用法用才用識視其底蘊之淺深
趨向之衷正以爲得失之定衡文醇者行可知由是博達奮興
而幹實之材出矣臣質窳陋無時敢廢學八年中疊膺
任使于楚于齊卽留任東省學政茲試江左榜發復拜視學浙
中之

命臣何知取士亦何能教士特以受

恩深重恭稟

皇上訓臣之言以爲多士率先悛悛微誠不敢自信不敢不自
勉並願與東南文秀交相砥厲斬至於經明行修爲
國家有用之才詎惟是商推今古扶樹八倫已哉

庚申湖北鄉試策問五道

問古有經無數自刪定繫傳後以五經六經名始見何書以五
經爲五學六經爲六學何義漢初置一經博士專指何經二經
初見傳序他何所證辨三經者何人受四經者何代七經九經
析於載籍者後先孰爲同異十經十二經孰爲分掌孰爲合并
十四經之說大戴禮何以遽加經名釋文何以獨闕孟子老子

莊子何以雜附經典四書名何昉學庸本禮記篇目表章者孰
開其端治經何爲大小中之分傳經何爲篇章句之逸釋經何
爲故微傳箋學解疏注圖義之體皆宜明辨者也我

朝正學昌明十三經久列於學官石經重刻於圓水五經試士
之制已闕三科益崇經術以勵真才欣逢

恩榜作人其舉夙所研求者對

問左氏世楚史或謂以官氏或謂左史倚相後或謂六國時人
何所攷耶楚檣杙所紀何事或體類春秋耶鬻子書古矣旣云
文王師或名道家或入小說有依託耶鵠冠楚隱士何以稱名
王鈇篇用楚制以山林談道果合王政耶楚辭或以屈平爲左
徒如左右拾遺職或釐爲宋景作或分楚語楚聲楚地楚物果

可翼騷耶且離騷二字有先屈子言者其楚何語耶他如渚宮
舊事蒐楚事果備耶荆楚歲時記或題晉人作何耶三楚新錄
果賅舉楚地耶襄陽耆舊傳果專指耆舊耶荊州記襄陽記襄
沔記楚國先賢傳武昌土俗編皆郡國書能舉其撰述耶我
皇上典學功深熟精左傳經義矧史籍傳記之富莫備於斯時
多士考古有年盍殫述貫通之實可也

問周官詳役法兵役徒役胥役鄉役何分別歟縣鄉亭本秦制
其令民爲什伍所失何歟漢設亭長奚以備執賊歟三老有常
員孝弟力田亦鄉置一人歟曷爲嗇夫爲游徼爲鄉佐爲里魁
歟漢吏多曾任鄉亭者其盜賊課稱最或訪名案治或懸賞購
捕或令縫衣誌驗或擢義勇擒擊能臚舉其人歟唐按里計戶

設村里坊正其山谷深險地遠人稀之處何以防督姦匪歟宋
初役衆自己箭手廢而保甲行其專責催賦歛抑仍習兵事歟
明王守仁撫南贛上禦盜策亦申嚴保甲而責成之可仿行歟
仰惟

聖天子宵旰勤勞時以安良除莠爲念邇來殄逆奏功圖維善
後所以便民而正俗者法制加詳備焉爾諸生豈無條貫古事
通達時務堪備擇取者乎

問三倉均以濟民常平糶糶何人創始常平倉外因何置常平
監常平貯穀何以又有常平錢常平鹽更立常平官唐請加糶
折糶宋放夏料秋料於常平不便者何在義倉當社窖貯何以
竟假給他費何以復移設州郡出義穀助官廩義社倉大致相

近否熙豐屢更糴法曰結糴寄糴俵糴均糴博糴兌糴括糴與倉法妨礙否朱子請立社倉從何受粟準何收息原米見管米耗米作何經畫此三倉名隋開皇大業間具有之果得其實用耶漕運亦置常平倉立法有無異同賑恤有於常平外增置廣惠廣濟諸倉者成法孰爲改易生當

聖世愛養之道備周一切言利取民皆所必斥今比戶謹蓋藏矣官司除擾累矣樂豐綏而講積貯尙各抒有物之言毋隱問課績定以三載三考後世改爲六載若者超用若者奏免若者敘若者遷能言其制否秦以一考行黜陟詔當曹第等次官品準何限格漢察二千石條系者云何東漢列三功課何事掌之何人外此司糾察者何職其時稱最者凡幾唐攷功敘四善

列二十七最唱第九等能詳其目歟宋定磨勘以京朝官幕職縣官分兩院卽用其意其初領院者誰歟金考課法何爲解由何爲銓頭何爲行止簿其四善十七最仍準唐令否元以五事考縣令有增益否明制差三等其分別何以待常流優異等例可言歟我

皇上立政用人權衡公正內外大小臣工屢承

訓勸副激揚之典膺薦擢之榮者當迴軼前古矣士先拜獻盍以服古者陳之

辛酉山東鄉試策問五道

問經史名義貫通聖人述史三焉六籍有經有史分指何經易冠周易書加尙書類史家著代否史官采詩其間公卿大夫國

人自吟咏與史何涉春秋仍魯史舊禮爲周代致太平書何以
辨正朔系月日異辭論封國建官明堂五祀輿服旗常多不合
左史言易書詩者迭見漢儒援史事論易據時制定禮後更有
以史事證全經者抑畫前非無易韻俾時非無書衡童八伯所
歌非無詩筆削纂訂之先已有春秋周禮邇紀載而討其源可
也

皇上秋舉講筵日紬

訓錄懋典學稽古之勤士子服習儒修盍陳記問賅洽者對
問四子書爲五經館轄標名四書昉自何時分詮論語二字諸
儒各爲說孔子稱子孟子何以氏之論語有齊魯古文篇章多
寡可稽否孟子章數字數詳正義何以釋文不登有謂論語非

孔子作究誰撰定謂孟子七篇非自作與列傳合否大學從禮記何篇之次摘出分經傳字數幾何訂錯簡幾處中庸無子曰者爲子思自言何以冠子曰章內有再見子曰者至孔子家語諸書孟子外書續書古本之大學單行之中庸石經別文字者趙注異集註者肄業所及當析之居鄒魯地言孔孟言其釋思聖賢教澤於無窮乎

問應舉曰考鄉舉曰孝廉考吏與儒生殊舉人與孝廉殊經史可覈也漢以後有中舉之目或中博士中御史設科何別射策對策有體策秀才有格帖經外有口義詩賦外有雜文晝夜試有程圍棘設簾有令彌封有禁謄錄院有制充解有額雖沿用異宜可不諳其事例歟試策如鼂董論如韓蘇能舉其文義歟

辭賦擅名唐宋得雋者不一能裒其最著歟文以八股取士首選考何題何人詩用賦得賦限韻用平側見何說耆童與選宗室應試考官擬程舉子登科記錄出何典幸當

國家額俊昌期試臚曩制以彰斯盛

問言馬始於易盛於詩尤備於禮公馬國馬何辨六閑四閑何種馬官各分其職古善御者孰傳馬祠祀準何典制周之戎馬聽民自具至民養官馬起於何年秦馬多漢馬少太僕屬之令丞監長皆內馬歟唐監牧皆外廐歟八方四十八監蕃矣曷爲更通市馬歟司圻牧官最著名者誰歟宋牧政較詳前史券馬省馬戶馬保馬利弊若何戰馬羈縻馬良駑若何元馬最彊盛可列園官名色歟明置厠卿及行太僕苑馬寺凡幾處分轄幾

地茶馬市易法可通行歟馬政乃經國之要亦足以覘通達時務之一得其著於篇

問堯禹之世弗諱言災禁旅以弭水患厥典云何荒政原於后稷迨聚民分十二事又錯見六官者幾條當時賑饑何竟無妨國用春秋乞糴屢書後之移民易粟或斥權宜或稱善政何耶大抵救荒多猝辦開倉平糶外或販載停傳免徵或勸富人借貸或獎吏民能以義活人以財穀助官賑者故事其能指數歟設糜營席屋贖鬻子安流遺貸農興役代有成規二難三便三權三戒六急六禁奚妨取以互證乃者畿郡偶被霑潦仰煩我皇上旰宵勤民敷誠請命時暘立應博濟多方有留心經世者願周諏以裨寶政焉

丁卯江南鄉試策問五道

問治經家以春秋表儀五經賴左傳發明羣奧有與易通者卜筮用繇辭他經何未見大橫之占易林之演其遺意歟文言孔子作穆姜何以前知艮之八用連山沈陽復何用歟有與書通者引典謨曰夏書洪範曰商書何歟史克舉十六相魏絳后羿少康之對可佐書闕歟百篇之序備載逸名奚獨遺伯禽歟秦誓入書傳何弗及歟有與詩通者所引篇名句義悉符歟逸詩凡幾能舉其文歟季札所觀序次與刪後之詩合歟楚子言七德成鯀言九德於說詩當歟有與禮通者朝會聘勞之大名子藏冰之緇足補禮經歟諷鼎之義杜蕢之名同異可互證歟易象春秋曷爲皆云周禮歟我

皇上聖學淵源

御製詩文中闡明左傳之篇昭日星而鏤金石多士其述所誦習其誌欣仰焉

問蕭統文選仿摯虞文章流別而博綜之所選爲目凡幾自陳隋後爲注爲音爲音義者幾家或佚或存能備識否李善精選學何以當時有書籠之稱善旣自爲注其子邕何以復加注之兩注兼行以何爲別五臣注集自何人五臣未注以前注而未就者何人蘇軾斥五臣爲陋儒謂不及善後人并善元注合爲一書名六臣注今汲古閣本獨存善注仍題六臣何耶善本所載原文與六臣本多異能畧舉歟所摭舊注如吳都西征二賦有未備者其採兩京三都先錄舊注而下以臣善曰別之失考

者安在唐人有廣之擬之者其書傳否後代文粹文鑑文類操
選政者孰堪繼美前軌歟

皇朝文穎一書彪炳千古行

詔儒臣續輯廣益鉅編其以熟精選理足供漱潤摘華之助者
具陳之

問古小學之教不過六書訓詁字體音韻諸書皆小學也王充
論衡以爾雅爲五經訓故然釋五經者何以不及十之三四歟
注爾雅者數家惟夾漈稱善其駁正舊文有極精確者有牽引
假借者可得詳歟後之蜀爾雅蕃爾雅要雅撰自誰氏漢小學
十家有凡將三蒼急就等篇其後引以註書者凡幾許叔重說
文引用經傳多與今文不同顧野王因之纂玉篇孫強復增修

之大都推本叔重能如說文精覈歟其排斥者又始于何人中如古文籀文林罕以爲呂忱所增信歟陸法言著廣韻丁度等復撰集韻與廣韻部分繁簡失當可析言歟林罕小說與說文不同者若何爾雅音義二卷韻總五篇孰細孰優盍折衷之以副

當代同文之盛

問策者謀也籌也虞書敷奏以言其權輿矣射策對策爲義各殊賢良策直言策之見于史者得人固盛其優劣分途可詳言之前代秀才明經進士制科並試以策或親策或付有司或對策皆與選其先後增減多寡沿革可博考而縷述歟策學之傳晁氏志有諸葛武侯十六策陳壽遺之崇文目有白居易策林

當時擬之他如宋元嘉之策孝秀文梁之孝秀對策文中子之
太平十二策魏徵之時務策答問張齊賢之開寶十策其大指
何謂至策集策苑見於隋唐志者其纂述何指蘇氏父子通曉
時務尤爲擅長能舉其論之純駁歟

國家取士合校三場援古以覘其殫洽徵今以驗其才猷循名
責實與帖經並重試以探討源委者臚著於篇

問周官有林衡二官卽虞舜命益以掌山澤之意漢初置水衡
都尉又有都水長丞其義奚若旋以都水官多置左右使者以
領之騰斯職者何人厥後若河隄謁者都水臺使者都水使者
水衡令歷代建置能詳舉歟梁改都水使者爲大舟卿位視何
等隋改都水臺入司農職領何事唐改司津監丞復改爲都水

監置使者二人分總其事所屬令丞凡幾宋之都水監判監事同判監及丞與主簿以何官充之其間任事久暫各殊遼金仍置都水監元增行都水監果無別歟明初遣尙書治河自後間遣侍郎都御史總督河道之名其昉於是歟江防海防有兼治歟

皇上厯念宣防復設南河副總河一員因時制宜安瀾底績生斯土者其稽古建置以彰今法之善可